

NY FEON'ANDRIAMANITRA

AMIN'IZAO ANDRO FARANY IZAO

 Tombontsoa manokana tokoa ny tafaverina indray eto anivon'ity vahoaka Espaniola ity izao maraina izao. Ary manontany tena aho raha efa mandray an'izao i Jim. Oh, efa manao ny fandraisam-peo izy. Izaho mbola manana ny horonam-peo izay nataon'ilay antoko mihira Espaniola kely fony aho teto taloha niaraka tamin'ny Rahalahy Garcia. Ary adinoko ilay hira kely fihiran'izy ireo ho ahy taloha. Fa, oh, toy ny inona no itiavako an'izany! Ary ireo ankizy ireo ankehitriny dia efa lehibe sy manambady avokoa. Mandre ny amin'izy ireo matetika aho. Ary niditra aho izao maraina izao ka nahita an'i Josefa kely, ary ankehitriny dia tena nanao zavatra anankiray ho ahy tokoa izany, ary tena faly tokoa aho nahita azy.

² Ary, ankehitriny, manana teny anankiray izay haiko tenenina amin'ny teny Espaniola aho. Tianareo ve ny handre an'izany? "Haleloia!" Tsy ho hadinoko mihitsy ilay teny. Niegaza aho ny mba handrenesan'ny vehivavy marenina anankiray ahy indray mandeha. Ankehitriny, mety ho diso tanteraka ny filazako azy ity, hitanareo, fa ny tsara indrindra tsaroako dia ny hoe "oiga." Mety ve izany? *Henoy* aho. *Henoy*, "oiga." Ary koa tsy hadinoko mihitsy, "Gloria a Dios!" Tena mahafinaritra mihitsy! Oh, efa nanana fanararaotra aho nahatongavana tany an-drenivohitra, Mexico City, niresaka tamin'izy ireo tany. Toy ny inona ny hafaliako! Ary izaho dia zatra... .

³ Tany Finlande aho rehefa avy teto. Ary izany dia mampahatsiahys ahy foana ny amin'ny firesahana tamin'ny vehivavy kely Finlandaise anankiray. Nentin'izy ireo aho tao amin'ilay antsoin'izy ireo hoe "betania." Ny firenena tsirairay dia samy manana ny heviny manokana. (Izaho ve, mandre ako ve ianareo, akaiky loatra an'ity ve aho? Afaka mandre tsara ve ianareo, ahoana izao?) Io vehivavy kely io, dia tena olona mahate-ho tia kely anankiray. Saingy tahaka ahy izy io, tia miresaka be loatra izy. Ary ilay mpandika teny... niteny haingana be izy, ary—ary ilay mpandika teny dia tsy afaka niteny an'ilay izy haingana kokoa ny amin'izay tiany nilazana azy. Ary nitsangana teo izy ka lasa nitaramena ny endrinhy, hoy izy hoe, "Tratrako tsara ireto tovolahy ao Babylona ireto."

⁴ Saingy, fantatrareo, voamariko fa ny—ny vorona rehetra dia mihira amin'ny teny Anglisy, ny alika mivovo amin'ny teny Anglisy, ny zaza mitomany amin'ny teny Anglisy. Manontany

tena aho hoe inona ny olana amintsika na izany aza. Fa ny tsirairay amintsika dia mihevitra fa ny—ny fitenintsika no ho fitenin'ny Arivo Taona, mazava ho azy. Saingy isika izay nandray ny Fanahy Masina, dia marina izany, satria isika dia manana ny fitenin'ny Lanitra.

⁵ Manana an-dRahalahy Rowe isika eto miaraka amintsika izao maraina izao, diplomaty avy any Washington. Mino aho fa izy dia niasa teo ambanin'ny Filoha dimy na enina, Filoha fito. Ary fantatrareo hoe ahoana no fahatsapako eo am-pitanana an'izao, eto ambonin'ity lampihazo ity, miresaka, miaraka amin'ny lehilahy anankiray tahaka an'izany mipetraka ao aoriako ao. Saingy ny fijoroana vavolombelony kosa dia tena fankaherezana anankiray ho ahy, ary indrindra rehefa izy... Mino aho fa Loterana izy taloha, raha tsy diso aho, na Katolika na Loterana, Loterana. Ary nilaza izy fa izy... zavatra mikasika ny fandadiana tao ambanin'ny trano lay anankiray tao amin'ny favoriana Pentekotista iray, ary nitsangana izy... Farany dia nahita ny lèlany ho eny amin'ny alitara izy, ary, rehefa nanao izany izy, dia nidina teo aminy ny Tompo ary nitahy azy betsaka mba... Heveriko fa mahay miteny eo amin'ny fiteny fito samihafa izy. Ary nilaza izy fa nanandrana anankiray, "tsy nety ilay izy," avy eo dia nanandrana anankiray hafa, "tsy nety ilay izy." Ary ataoko fa mahay miteny Espaniola mitovy amin'izay hainareo rehetra izy. Koa izy—izy dia nanandrana an'izy rehetra, ary tsy nisy nety ireo. Ary, hitanareo, fantatrareo moa, tsara loatra Andriamanitra, nidina Izy ary nanome azy fiteny anankiray izay tsy mbola nandramany mihitsy taloha, hoy izy, "Mety ilay izy!" Marina izany. Izaho dia mino fa izany no fomba hisy any ambadika any.

⁶ Fahatsiarovana maro no voatahiriko ato am-poko ny amin'ilay fiangonana kely any, mino aho fa izany...oh, adinoko hoe aiza ilay izy. Eto ilay izy any akaikin'ny Tonto Street any ho any. Ary tsaroako izany. Azo eritreretina ilay teny "Tonto Street," izay nisy an'ilay fiangonana Apostolika Espaniola taloha.

⁷ Hoy aho tamin'ilay pasitera hoe, "Ho toerana lehibe hananana fifohazana anankiray ity," feno efitra, fiangonana vaovao, olona mahafinaritra. Koa mihevitra aho fa hety tsara ho an'ny fifohazana anankiray izy ity indray andro any. Mivavaha ho an'izany ianareo, tongava ary manàna fifohazana anankiray. Ankehitriny, manantena aho fa izany dia famerenana fotsiny an'ilayefa nananantsika tao amin'ilay fiangonana taloha. Tsaroako aho nitsangana teo amin'ilay tokontany, niankina teo amin'ny fefy, nivezivezy teo amin'ny lèlana, niezaka hiala teo tamin'ny andro alina, tena azo antoka fa izany no fientanam-po izay tsy nadinoiko mihitsy. Ary izaho dia manana ny—ny kapilan'ireo ramatoa kely, ireo ramatoa sy ireo rahalahy izay nihira ka nanao kapila anankiray. Ary izy ireo dia nanandrana

nihira ny “Only Believe,” [“Minoa Fotsiny,”—Mpand.] ary tsy hain’izy ireo tsara mihitsy ilay izy, fantatrareo. Hoy izy ireo, raha tokony hoe “only believe,” dia izao no nitondran’izy ireo azy hoe “yeonea believe,” hitanareo.

⁸ Ary tsaroako i Rebekah, zanakovavy, Sarah, ary mbola milaza foana izy ireo hoe, “Dada, hirao, alefaso ilay kapila kelin’ireo . . .” Raha tokony hanao hoe “Spanish,” dia tsy hain’izy ireo ny miteny an’ilay teny, hoy izy, “tovovavy Spinach, tovovavy kely spinach mihira ny ‘Only Believe.’”

⁹ Eny, tsaroako izy ireo nanaraka an’ilay favoriana. Teo amin’izy ireo ny fifohazana, ary nanaraka an’ilay fifohazana foana izy ireo hatrany any amin’ny Morontsiraka Andrefana. Ary izaho . . . ny zavatra kely anankiray nifantsika tato am-poko rehefa nandao an’i California izahay, Rahalahy Moore sy izaho, ary Rahalahy Brown, niakatra tany an-drenivohitra. Ary rehefa nandeha tao amin’ilay trano aho tamin’io hariva io, dia njoror teo ireo ankizy kely ireo nihira hoe, “Izy no miahy anao.” Efa nandre an’izany ianareo. “Amin’ny andro mihiratra na maloka, Izy no miahy anao.” Imbetsaka mihitsy any amin’ireo firenen-kafa, eny amin’ny sahan’adin’ny fifandrafian’izao tontolo izao, eny am-piezahana mitondra ny Hafatr’i Kristy, dia tsaroako ireo tovovavy sy tovolahy mihira an’io hira io ho ahy, “Izy no miahy anao. Amin’ny andro mihiratra na maloka, Izy foana no miahy anao.” Koa tsindrimandry lehibe izany, fanampiana anankiray.

¹⁰ Mifankahita amin’ny pasiteranareo mahafinaritra, ary tena faly aho mahita fa velona ny fiangonana ary nahazo an’ity trano lehibe tsara tarehy eto ity ianareo, ny rehetra mipetraka, feno efitra fametrahana fiara. Tena toerana anankiray izay eo antan’ny Fanahy Masina mihitsy, raha afaka fotsiny isika hamela Azy mba hahita sy hahafantatra fa isika dia miantso fifohazana anankiray. Izy, mino aho fa hanome anankiray Izy.

¹¹ Ankehitriny, rahariva dia ao amin’ny fiangonan’ny Rahalahy Outlaw izahay, ny fiangonan’ny Anaran’i Jesosy, ery amin’ilay ilany ery. Ary Rahalahy Outlaw, mino aho . . . dia fiangonana Apostolika, ihany koa. Mino aho fa izy dia niantso ny anarany fotsiny, ilay fiangonana, hoe ny Anaran’i Jesosy. Mino aho fa izy dia ao amin’ny finoana apostolika. Ary tsy maintsy ho any izahay rahariva. Ankehitriny izahay dia tsy miteny amin’ny fiangonana Espaniola hoe, “ankehitriny tongava any,” satria ianareo dia mijanona eo amin’ny toeran’andraikitareo. Ary avy eo dia hisy ny fihaonam-ben’ny Christian Business Men any, hanomboka ny Alakamisy, aorian’ny fiafarany’ireo favoriana any amin’ny fiangonana sasany, amin’ny Alakamisy. Ary io fihaonana io, dia banana mpandahateny malaza izy ireo, ary tahaka an’i Oral Roberts, ary rahalahy Metodista anankiray izay vao voavonjy, ary milaza izy ireo fa izy dia mpandahateny tena mahery anankiray. Ary azoko antoka fa hahafaly anareo

ireo fihaonana ireo. Ary ianareo ankizy zatovo ireo, izy ireo dia hanana favoriana anankiray any ho an'ny zatovo ihany koa, araka ny vao avy nolazain'ny rahalahy. Halefako any ireo zanako mba handraisany anjara amin'izany. Ary noho izany ankehitriny dia tongava any, ho faly izahay ny hanana anareo. Ny Tompo anie hitahy anareeo rehetra.

¹² Ary ankehitriny aho dia te-hamadika ao amin'ny Baiboly ka hamaky ampahany avy ao amin'ny Teniny voatahy. Ary nifidy aho izao maraina izao, mandritry ny fotoana fohy, tsy te-hitazona anareo ela loatra aho, lahatsoratra vitsivitsy, ary ny iray amin'izy ireo dia hita ao amin'ny I Samoela, ary ny iray dia hita ao amin'ny Isaia. Ary ny avy ao amin'ny Isaia no tiako ho vakiana voalohany. Ary izaho . . .

¹³ Afaka mandre tsara ve ianareo, ny manodidina rehetra? Eo anelanelan'ireto fanamafisam-peo ireto, izy ireto dia toa ohatry ny tena mafy be amiko, tsy fantatro hoe nahoana. Mandre tsara ve ianareo rehetra eo ireo, atsangano ny tanganareo. Tsara, tsara.

¹⁴ Ankehitriny, dia somary farim-peo kely fotsiny aho, mazava ho azy, izany dia avy amin'ny fitenenana be loatra. Ary hatramin'ny naha-teto ahy niaraka tamin'ireto rahalahy Espaniola ireto, teo amin'ny enina ambin'ny folo taona lasa teo izay, heveriko, angamba teo amin'ny enina ambin'ny folo na fito ambin'ny folo taona lasa izay, eny, dia nitory teny foana aho. Noho izany dia reraka aho tamin'izany, hoy aho, ary mbola reraka foana aho, saingy mbola manohy foana aho noho ny fahasoavan'Andriamanitra.

¹⁵ Ankehitriny ndao isika hamadika ao amin'ny Isaia 40, ny toko faha-40 an'ny Isaia; ary ny toko 1, na ny toko faha-3 an'ny I Samoela. Ary raha eo am-pihazonana an'ireo andalana ireo isika ho an'ny famakiana ny Teny, dia tiako isika ankehitriny hanondrika ny lohantsika fotoana fohy fotsiny ho an'ny vavaka.

¹⁶ Rainay An-danitra, mankasitraka izahay ankehitriny an'ity tombontsoa ity izay hitsanganana ato amin'ity toera-masina mahafinaritra ity izay natokana ho an'Andriamanitra sy ho an'ny Asany. Ary satria fantatray fa ireo Mpanomponao dia mitsangana aorian'ity lampihazo eto ity na polipitra matetika, ary miaraka amin'ny fiainana anankiray voatokana ho an'ny Asanao.

¹⁷ Ary dia *ity*, izao maraina izao, no mitondra fahatsiarovana indray, fahatsiarovana ny fifoahazana iray izay vao avy nanomboka, niaraka tamin'ny Fanahy Masina izay tonga nidina tamin'ny endrika Hazavana iray lehibe, toy ny Andry Afo anankiray, ary Izany no niteny fa ilay Hafatra dia hitety ny tany. Ary amin'izao ankehitriny izao dia tantara izany. Ny Hafatra dia nirehitra afo tamin'ny alàlan'ny lehilahy malaza, rehefa avy nahita an'Izany, tahaka an'i Oral Roberts sy Tommy Osborn, ary Tommy Hicks sy ny maro hafa. Ary tamin'ny alàlan'ireo ezaka

izay napetrakay niaraka, dia mahita izahay fa ilay Hafatra dia nametraka afom-pifohazana ao amin'ny firenena rehetra ambanin'ny Lanitra, Hafatra pentekotista. Ho an'izany dia misaotra sy midera Anao izahay, O Andriamanitra Mahery.

¹⁸ Ary izao ankehitriny izao dia mivavaka izahay mba Hanamboaranao ny fonay, ho vonona ho amin'ny Fampakarana lehibe anankiray izay hiseho tsy ho ela, mino izahay. Ary raha tsy voavoatra ho amin'izany ny fonay na ho an'ny zavatra hafa izay Tehirizinao ho anay, dia mivavaka izahay mba Ianao anie no hamela anay ny amin'ny fahadisoanay, ary hiteny aminay androany amin'ny alàlan'ny Teninao. Tahio ny pasiteran'ity fiangonana ity, ireo diakony, ireo mpitantan-draharaha, ary ireo mpivavaka rehetra, ireo mpikambana. Tahio ity antoko mpihira kely ity, sy ny mpitendry piano, ary ireo mpitendry mozika. Izy rehetra miaraka, tahio izy ireo izay miditra amin'ny vavahadin'ity toerana ity. Enga anie izy ireo hivoaka ho voaova foana, hanakaiky Anao hatrany noho ny tamin'ny nidiраны. Ekeo izany, Ray. Ary ho tanteraka anie izany, izao maraina izao mihitsy, fa mangataka an'izany amin'ny Anaran'i Jesosy izahay. Amena.

¹⁹ Ankehitriny raha mamadika ao amin'ny Bokin'ny Isaia, ny toko faha-40, dia mamaky isika.

*Ampionony, ampionony ny oloko, hoy...
Andriamanitra.*

Mitoria teny soa mahafaly amin'i Jerosalema, ka lazao azy, fa vita ny adiny, fa voavela ny helony: satria izy efa nandray indroa heny avy amin'ny tangan'ny TOMPO noho ny...helony.

Ny feony izay miantso mafy any an-efitra, Amboary ny lâlan'ny TOMPO, manaovala lâlam-be mahitsy any an-tany foana ho an'Andriamanitsika.

Ny lohasaha rehetra hisandratra, ary ny tendrombohitra sy ny havoava haetry: ary ny miolakolaka ho tonga mahitsy, ary ny saro-dâlana ho lemaka:

Ary hiseho ny voninahitry ny TOMPO, ary ny nofo rehetra hiara-mahita izany: fa ny vavan'ny TOMPO no efa niteny an'izany.

Ankehitriny ao amin'ny Bokin'ny Samoela, I Samoela, toko faha-3, hovakiako ny andininy 1, faha-2, ary faha-19.

Ary Samoela zaza nanao fanompoana tamin'ny TOMPO teo anatrehan'i Ely. Ary ny tenin'ny TOMPO dia nahàlana tamin'izany andro izany; tsy nisy fahitana niseho.

Ary izao no niseho tamin'izany, rehefa nandry teo amin'ny fitoerany i Ely, ary ny masonry efa nanomboka pahina, ka tsy nahita izy;

...mbola tsy maty ny jiron'Andriamanitra tao amin'ny tempolin'ny TOMPO, izay nisy ny fiaran'Andriamanitra, ary Samoela efa nandry tao mba hatory;

Dia niantso ny TOMPO...ary namaly izy hoe, Inty aho.

Ny andininy faha-19

Ary nitombo i Samoela, ary nomba azy ny TOMPO, ary Izy tsy namela ny teniny ho raraka amin'ny tany.

²⁰ Oh, ho lohahevitra ampy ho resahintsika eto mandritry ny iray volana izany, ary afaka hisintona tsoak'evitra betsaka avy amin'izany lohahevitra lehibe izany isika. Saingy izao maraina izao, fa isika dia manana eo amin'ny roapolo minitra eo fotsiny mba hamaranana ara-potoana ny... Heveriko fa efa tapitra ny sekoly Alahady na angamba hanaraka aorian'izao, tsy fantatro. Fa, na izany aza, izaho dia te-hampiasa ny lohahevitra hoe, *Ny Feon'Andriamanitra Amin'Izao Andro Farany Izao.*

²¹ Tena andro malaza tokoa izao. Fantatsika fa eo amin'izay resahintsika avy ao amin'ny Soratra, dia izao no voalaza hoe, "Tsy nisy fahitana niseho tamin'ireo andron'i Samoela." Noho izany, "Eo amin'izay tsy misy fahitana," hoy ny Baiboly, "dia maty ny vahoaka." Tsy maintsy manana fahitana isika. Ary ireo fahitana dia tonga amin'ny mpaminany, ary izany no Tenin'ny Tompo voateny amin'izy ireo.

²² Ary hitantsika fa Ely dia tsy mpaminany, Ely dia mpisorona. Ary niha-antitra izy, ary ireo masonry dia lasa pahina, ka tsy afaka mahita izy mba handehanany, izy dia lehilahy matavy be anankiray. Ary nanomboka namela ny asan'ny Tompo tsy ho vita izy.

²³ Ary izany dia zavatra mitovy amin'izay misy amin'izao andro izao. Heveriko fa ny fiangonana, ny rafi-pandaminana sy ny anaram-piangonana, izy ireo dia teny amin'ny saha nandritry ny fotoana ela, ary nanomboka namotsotra izy ireo. Ary navela ho tsy vita ilay asan'ny Tompo, ilay Tenin'ny Fahamarinana, satria ilay fiangonana, ao anatin'ny tenany, no nanomboka ho pahina fijery. Ary isika dia mila, amin'izao andro izao, ny Feon'Andriamanitra hiresaka eo anivontsika, hamerina antsika.

²⁴ Ary, hitanareeo, nandry i Ely, ary ny... ny fijeriny dia niha-very. Mpisorona izy. Ary tsy nanana fahitana niseho avy tamin'ny Tompo izy ireo. Fa izany no tena nilaina!

²⁵ Fa Andriamanitra dia nampanantena ny hanatanteraka ny ilain'ny ora. Manao an'izany foana Izy. Fa isika dia mila ny Feon'Andriamanitra amin'izao andro izao, hanatanteraka ny ilain'ny ora, hiatrehana ny fotoana izay iainantsika. Ary rehefa avy nampanantena an'izany Izy, dia afaka mijanona manana antoka isika fa Izy dia hihazona ny Fampanantenany. Izany no

fahatokiana izay ananan'ny mpino ao amin'ilay Mpanao azy, fa Izy no nampanantena ny hanatanteraka izay ilaina.

²⁶ Ary, amin'izao andro izao, ny antony iray izay mahatonga ny fiangonana ao anatin'izao toerana misy azy izao, dia satria maro loatra ny feo misy, feo hafa maro no mitarika ny fiangonana hiala amin'ilay Feon'Andriamanitra, hany ka lasa fisalasalana tokoa ilay izy eo amin'ny maro izay nandre ny Feon'Andriamanitra na dia niresaka teo afovoan'izy ireo mihitsy aza Izany. Tsy azon'izy akory aza angamba Izany, satria ho zavatra hafahafa tamin'izy ireo Izany. Nametraka ny tenany loatra teo afovoan'ireo feon'ny ankehitriny izy ireo!

²⁷ Ary raha mahamarika isika, ao amin'ny famakantsika ny Soratra, fa ilay Feon'Andriamanitra dia hafahafa ho azy ireo.

²⁸ Ary manomboka tahaka an'izany indray koa amin'izao andro izao, fa ny Feon'Andriamanitra... Maro loatra ny feo hafa misy. Ary amin'izay fotoana izay rehefa mampantantera antsika Andriamanitra fa Izy no hanome antsika an'Izany, ka raha mifanohitra amin'ilay Feon'Andriamanitra ireo feo hafa, dia tsy maintsy feon'ny fahavalontsika izany, hampikorontana antsika, mba tsy hahazoantsika ny Feon'Andriamanitra rehefa niteny Izany.

²⁹ Ary mahamarika isika fa ilay izy dia zavatra nitovitovy tamin'izany teo amin'i Ely sy teo amin'i Samoela, saingy i Ely dia nahfantatra avy hatrany fa Andriamanitra izany. Ary izany dia tena tsi-tsiny anankiray teo amin'i Ely. Satria, ilay Feon'Andriamanitra, izay niresaka tamin'i Samoela, dia niteny taminy mikasika an'ireo fanao ratsin'i Ely, fa nampiangoty an'ireo zanakalahiny izy, ary naka vola izy ireo sy-sy nynofon-kena avy tao amin'ireo fanatitra. Tsy tsara izany. Ary dia nanao zavatra ratsy izy ireo, nifanohitra tamin'ny Tenin'Andriamanitra.

³⁰ Ary i Samoela dia nanana...ny zavatra tokana azon'i Samoela natao, dia ny niteny marina. Ary somary nisalasala kely ihany izy ny hanao an'izany, satria izany dia hanohitra mihitsy an'ilay toerana izay nandefasana azy mba ho tezaina, dia i Ely sy ny tao an-tempoly. Saingy hoy i Ely hoe, "Mitenena." Hitanareo? Ary dia noteneniny taminy marina tokoa izay hiseho, fa Samoela...na, "Ny andron'i Ely dia tapitra, amin'ny maha-mpisorona," satria Andriamanitra no niteny, ary Andriamanitra dia nandefa ny Hafany tamin'ny alàlan'i Samoela ilay mpaminany. Fahaterahana tena hafahafa, voatokana ho an'ny Tompo hatramin'ny fahakeliny. Niresaka taminy Andriamanitra, raha mbola zaza, ary nanomana azy ho amin'ny asa anankiray izay napetraka eo aloha. Ary dia tapitra teo ny fotoan'i Ely.

³¹ Misy feo maro be eto ambonin'ny tany amin'izao andro izao, ka tena zavatra sarotra anankiray ilay izy, satria

izany no manempotra ny Feon'ilay Ivelan'ny voajanahary. Maro loatra ny feon'ny manan-tsaina misy, feo malazan'ireo lehilahy mahery izay manan-tsaina, izay, ao amin'ireo toeram-pahaizany, manozongozona ny firenena mihitsy aza. Ary izy ireo tsy hoe olon'ny indray alina fotsiny, fa manozongozona ny firenena izy ireo, manao rafi-pianganana lehibe miaraka, asampitoriana malaza, mamokatra. Ary ny olona dia hikorontana kely. Ampy hanakorontana azy ireo izany, amin'ny hoe nahoana ireo zavatra ireo no mitsangana ary mahomby. Ary misy feo izay—izay mandeha ary manao an'ireo zavatra ireo, ary izany no mahatonga ny Feon'Andriamanitra tafapetraka any aoriana any ho any, ilay Feon'Andriamanitra marina.

³² “Ary ny Feon'Andriamanitra,” hoy izy ireo hoe, “ahoana no hahafantaranay fa Feon'Andriamanitra izany?” Satria, ho an’izao andro izao... Tamin’izany andro izany dia tao amin’ny mpaminany anankiray voamarina izany. Ankehitriny, amin’izao andro izao, ahoana no ahafantarantsika fa Feon'Andriamanitra izany, satria izany no fanehoana ny Tenin'ilay mpaminany. *Ity* no mpaminanin'Andriamanitra. Ary ny Feon'Andriamanitra marina irery ihany no mamerina an'ilay tena izy, velona, Andriamanitra Ivelan'ny voajanahary, miaraka amin’ny Teniny Ivelan'ny voajanahary, miaraka amin’ny fanehoana Ivelan'ny voajanahary an'ilay Teny Marina. Amin’izay fotoana izay no ahafantarantsika fa Feon'Andriamanitra Izany. Satria, ary ilay Ivelan-... Maro loatra ny hafa any amin'ireo toeran-kafa, izay saiky manempotra an'Izany fotsiny. Saingy, tsarovy, fa hamirapiratra Izy io, hivoaka Izy io! Hanao an'izany Izy io.

³³ Ankehitriny, dia misy feo iray amin’izao andro izao eo amin’ny tontolon’ny politika. Feo lehibe izany. Ary ny olona, dia tena, ao amin’izao andro lehiben’ny politika izao, izy ireo dia... Izany rehetra izany no mifangaro ao amin’ny fiangonan’izy ireo sy ny sisa. Ary matetika, izay vao avy hitantsika vao haingana, fa ilay feon'ny politika dia matanjaka kokoa ankehitriny noho ny Feon'Andriamanitra ao amin’ny fiangonana, raha tsy izany dia tsy ho nanao izay vao avy nataony mihitsy ny Amerikana. Hitanareo? Tsy ho nanao an'izany mihitsy izy ireo. Raha voatazona ho velona ao amin’ny fiangonana ilay Feon'Andriamanitra, dia tsy ho nahavita an'ireo fahadisoana ireo mihitsy izy ireo. Saingy ny feon'ny politika dia matanjaka loatra kokoa eto ambonin’ny tany amin’izao andro izao noho ny Feon'Andriamanitra, hany ka nivarotra ny fizokiany Kristiana ny olona tamin’ny laza iray lovia, fianarana, ary hery arapolitika. Tena henatra be ny mahita an'izany. Ilay tena zavatra izay nanaovana ny firenentsika mihitsy, izay nanaovana azy, dia nihodinan’ny vahoaka mihitsy ary—ary nifidy ny zavatra izay navelantsika tany amin'ilay firenena hafa. Ary ny—ary ny Plymouth Rock, sy Mayflower sy ny sisa, no tonga teto ary—ary nanorina an'io toe-karena izay ananantsika io. Izany ilay

tena zavatra izay niadiansika mafy mba ialàna, isika indray no mamerina ny tenantsika ao amin'ny fangejany, satria dia ny Baiboly no milaza fa ho toy izany ilay izy.

³⁴ Ary ilay rafitr'i Ely: mpisorona raha tokony ho mpaminany. Ny mpaminany dia ny Teny. Ary ny mpisorona dia ny fiangonana.

³⁵ Ary izany dia tonga teo amin'ny toerana iray hany ka nanomboka lasa nivaha loatra ilay izy ka hafahafa amin'ny olona ilay Teny. Tsy azon'izy ireo Izany. Amin'izay fotoana izay miteny Azy ianareo, dia tsy azon'izy ireo Izany, satria tsy nozarina tamin'Izany izy ireo. Hoy Paoly hoe, "Raha manao feo hafahafa ny trompetra, iza no hahay hanomana ny tenany ho amin'ny ady?"

³⁶ Ny olona dia nozarina tamin'ny—ny—ny feon'ny fiangonana, trompetran'ny fiangonana, "Izahay no manana sekoly Alahady betsaka noho ny ananan'ny sisa amin'izy ireo." Tsy midika na inona na inona izany. "Izahay no manana betsaka ao amin'ny anaram-piangonanay noho ny ananan'ireo sisa amin'izy ireo. Izahay no lehibe indrindra amin'ireo anaram-piangonana." Hitanareo, izany no karazana feo izay nanazarana ny olona. Eny an-dàlana, mivoaka izy ireo mba hahazo olona ary mampiditra azy ireo. An'alinaliny maro ao amin'ny asam-pitoriana lehibe, ampidiriny izy ireo. Inona no mahaliana azy ireo ao? "Izahay no manana ny fiangonana lehibe indrindra. Izahay no manana ny fikambanana lehibe indrindra. Izahay no manana ny mpikambana sekoly Alahady ambony indrindra. Izahay no manana ny ben'ny tànana tonga ao amin'ny fiangonanay." Mety ho tsara daholo izany, saingy raha tsy nozarina tamin'ny Feon'Andriamanitra izany fiangonana izany, ilay Trompetran'ny Filazantsara, dia inona no soa vitan'izany?

³⁷ Ary rehefa ny zavatra anankiray no miseho tahaka ny nisehoany teo amin'ny governemantantsika, inona no nitranga? Tsy nahafantatra ny Feon'ny Trompetra ilay fiangonana, ary tsy fantatr'izy ireo izay hatao. Ilay fampanantenana lehiben'ny fahombiazana, miditra ny olom-be manan-tsaina anankiray, dia miditra avy hatrany ao amin'ilay zavatra tena nolazain'ny Baiboly mialoha izy ireo, ary mampiditra an'izany. Hitanareo, feo ara-politika anankiray! Ary izany no manaporofa fa izany no mitaingina eo ambonin'ilay Feo ara-pivavahana, raha tsy izany dia tsy ho nanao an'izay nataony mihitsy izy ireo, ny Feon'ny Filazantsara. Satria nampantanenaina karazan-javatra maro isika, nampanantenaina fahombiazana isika, ary tsy isalasalana fa dia ho azontsika izany.

³⁸ Saingy, kanefa, tsy midika na inona na inona izany ho an'ny mpino anankiray. Avadiho ao amin'ny Bokin'ny Hebreo, ao amin'ny toko faha-11, henoy izay lazain'i Masindahy Paoly, ahoana izy ireo, tamin'izany andro izany, "Nirenireny nitafy

hoditr'ondry sy hoditr'osy, fadiranovana, tsy nanana toerana, tsy afaka niditra ny tanàna."

³⁹ Namaky aho tao amin'ny Fivoriamben'i Nise, rehefa nitsangana ireo adi-hevitra lehibe tao Nise, Roma, telonjato taona taorian'ny nahafatesan'i Kristy, tao amin'ny Fivoriamben'i Nise malaza, rehefa nijoro ho an'izay marina ilay fiangonana lehibe, nila ny Baiboly izy ireo. Ary ireo Romana niova fo an'ilay fiangonana voalohan'i Roma dia nanatsofoka foto-pampianarana, mba hilazana, ohatra, tahaka ny Krismasy izay ananantsika.

⁴⁰ Krismasy, Kristy dia tsy teraka mihitsy tamin'ny andro faha-dimy amby roapolon'ny—ny Desambra tahaka ahy koa. Nahoana, ny havoanan'i Joda dia feno ranomandry, ary Izy... Izany dia mifanipaka amin'ny faminaniana hafa rehetra an'ny Baiboly. Tamin'ny lohataona Izzy no teraka, tahaka ny aterahan'ny zanak'ondry rehetra. Nahoana Izzy no teraka tao amin'ny tranom-biby raha tokony ho trano? Zanak'ondry anankiray Izzy tamin'izany. Nahoana Izzy no tsy nihazakazaka fotsiny teny amin'ny alitara na ny Alitarany izay namantsihana Azy, ilay hazo fijaliana? Nentina nankeo amin'ny hazo fijaliana Izzy. Ianareo no mitarika ny ondry any amin'ny trano famonoambiby. Zanak'ondry Izzy tamin'izany. Noho izany dia teraka Izzy rehefa teraka ireo zanak'ondry.

⁴¹ Fa, hitanareo, ny fanaovana an'izany, dia nanana ny tsingerin-taonan'ny andriamanitra-masoandro izy ireo, izay, eo amin'ny fihodin'ny masoandro, ny—ny masoandro ao anatin'ny dimy andro manomboka ny faha-roapolo Desambra ka hatramin'ny faha-dimy amby roapolo Desambra, dia misy fihetsehana tanteraka, an'ny masoandro. Izany—izany dia miova tsikelikely isan'andro, miha-lava sy lava ary lava mandrapahatratrany ny androny lava indrindra ny volana Jolay. Ary avy eo, ny Desambra, dia ny androny fohy indrindra. Ary noho izany io fotoana kelin'ny faha-dimy amby roapolo io, manomboka ny faha-roapolo ka hatramin'ny faha-dimy amby roapolo, dia nanana ny fampisehoana Romana izy ireo sy ny fankalazana ny tsingerin-taonan'ilay andriamanitra-masoandro. Noho izany Jopitera, izay andriamanitra Romana, ary tamin'izany no nanatsofohany an'ilay izy, niteny tamin'izany hoe, "Halainay ny tsingerin-taonan'ilay Zanak'Andriamanitra sy ilay andriamanitra-masoandro, hakambanay miaraka mba ho fankalazana lehibe tokana." Mifanohitra izany! Ary, oh, ireo fanatsofohana maro izay napetrak'izy ireo tao anatin'izany!

⁴² Ary avy eo dia ireo lehilahy marina an'Andriamanitra izay naniry ny hijanona miaraka tamin'ny Teny, tahaka an'i Polycarpe, Irenée, Martin, ireo malaza, tany am-boalohany, lehilahy masina izay naniry ny hijanona miaraka tamin'ny Fahamarinana... Ary rehefa nantsoin'izy ireo ny Fivoriamben'i

Nise, ny sasany tamin'izy ireo dia tena nolavina mafy hany ka nivoakaavy tany an-efitra ireo mpaminany tsy nanana na inona na inona teny aminy afa-tsy hoditr'ondry, mba hiditra tao amin'ilay favoriambe. Saingy nahafantatra ny Tenin'ny Tompo izy ireo. Fa ny laza, ireo dimy ambin'ny folo andron'ny politika maloto, no nifaoka an'Izany. Avy eo isika dia nanana taona maizina an'arivony taona, hitanareo.

⁴³ Saingy Andriamanitra no nampanantena fa hitsoka indray io Trompetra io. Ny olona dia mihaino foana ny Feo marin'ny Teny, mandinika foana izay ataonareo amin'ny alàlan'ny Teny.

⁴⁴ Ny feon'ny politika. Ary isika eto Amerika sy ny sisa amin'izao tontolo izao, dia manana feo anankiray miteny mafy amin'izao andro izao, ary izany dia ny feon'ny Hollywood. Namabo an'izao tontolo izao izany. Avelao anie ny olona anankiray hiditra ao Hollywood miaraka amin'ny zavatra anankiray, hitanareo izany manerana ny firenena. Ankehitriny, mahamarika isika fa nametraka modely izy ireo ho an'ireo vehivavintsika, eo amin'ny fitafian'izy ireo, ireo lamaodim-bolony. Izy ireo no nametraka an'io fitafiana io.

⁴⁵ Ny fiangonana dia tokony hahafantatra ny Feon'ny Trompetran'Andriamanitra eo amin'izany! Saingy be loatra ny fifanjevoana misy satria mahita ny hafa manao toy izany ianareo, ohatra. Aza manao modely ny tenanareo amin'izany karazana ohatra izany ianareo, satria mety lo izany. Henoy foana ny Feon'Andriamanitra, izay Lazainy mikasika an'izany.

⁴⁶ Ary avy eo dia mahamarika isika, ao Hollywood, fa nanangana zavatra izy ireo. Ary mamelà fotsiny ahy hiteny vetivety ny amin'izany alohan'ny handrosoantsika. Nisy ny-ny zavatra nivoaka vao tsy ela akory, fa ny—ny lehilahy iray tao Hollywood... Tsy misy na inona na inona hanoherako an'ilay lehilahy ankehitriny, fa mety maty anankiray izy izay nahafatesan'i Kristy, saingy mba hanehoana aminareo fotsiny. Namorona zavatra kely anankiray izy ireo antsoina hoe, ireo ankizy taloha dia niantso azy hoe "hula-hoop," hula-hoop, na zavatra hafa. Ary raha mba voamarikareo ilay faharatsiana sy ireo zavatra izay nanaraka an'io singan-javatra io, tao amin'ireo ankizy madinika. Tsy tsara ilay izy.

⁴⁷ Ankehitriny, Hollywood dia feno an'ireo—ireo jiolahy mitam-piadiana. Ankehitriny, ny olona izay mahafantatra ny tantara, dia mahafantatra fa ireo olona tany aloha tamin'ny androny, izay jiolahy mitam-piadiana tahaka an'ireo—ireo namana sasany, dia tsy olom-pirenena vanona, jiolahimboto izy ireo, izy ireo dia tahaka an'i Al Capone sy Dillinger. Manana lalaon'ny Hollywood anankiray izy ireo antsoiny hoe, ao amin'ny—ao amin'ny televiziona, antsoiny hoe, "Gunsmoke." Ary nandre aho tao amin'ny *Monitor* indray andro fa ilay namana izay milalao an'ilay izy dia, Arness na hafa, na Arness,

na adinoko hoe iza ilay anarany, ary izy no natao haka . . . Izy no misolo tena an'i Matt Dillon izay serifa tao Kansas. Ary i Matt Dillon dia tena katahotra noho ny bitro anankiray. Nitifitra lehilahy valo amby roapolو avy ao an-damosina izy, olona tsy manan-tsiny, nandeha teo amin'ny fivoahana an'ny Dodge City izy ary niandry tao anaty kirihitra. Ary rehefa tonga ny olona anankiray, io olona io dia niantso azy ary niteny taminy fa nisy olon-dratsy nandalo teo, avy eo dia nijanona teo izy ary, rehefa tonga ilay lehilahy, dia notifiriny avy ao amin'ny lamosina izy. Ankehitriny dia hitantsika fa izy no "olon-dehibe" izay midina. Nahoana, izany no—izany no tena manome voninahitra ny ota. Fa ny ankizy madinika an'ny firenentsika dia afaka miresaka aminareo betsaka kokoa ny mikasika an'i Matt Dillon noho ny fahafahany miresaka mikasika an'i Jesosy Kristy. Ireo—ireo—ireo magazay, ireo magazain'ny varo-boba, sy ny fivarotana akanjo, dia manantona betsaka an'ireny basy—basy kely kilalao ireny, miaraka amin'ny satroka kely izay—izay azonareo vidiana na aiza na aiza. Tena tsara ny miakanjo an'izany, saingy izaho dia—izaho dia miteny anareo fotsiny, hitanareo. Amin'izay fotoana izay izy ireo—izy ireo, ilay tontolon'ny varotra, no mandrombaka an'ilay zavatra ary mahazo an-tapitrisany dolara avy amin'izany.

⁴⁸ Isika dia manana an'ilay antsointsika hoe "Andron'i Md. Patrick," isika dia manana an'ireo antsointsika hoe "fety arapivavahana." Ary ny tontolon'ny varotra no mandrombaka an'izany, ary mahazo an-tapitrisany dolara izy ireo. "Fetin'ny Reny," dia fehim-boninkazo. Nahoana, ny andro tsirairay dia tokony ho andro mendri-kaja ho an'ny reny. Irery izy any ho any, antitra, mandehana mijery azy. Izany no mendrika kokoa noho ny voninkazo rehetra izay azonareo alefa ho azy, na zavatra hafa. Hitanareo, saingy rombahin'izy ireo izany. Feo anankiray izany, ary—ary dia miraikitra avy hatrany amin'izany isika. Tsy tsara mihitsy izany. Saingy inona no hataonareo? Hitanareo, isika dia—isika fotsiny dia . . .

⁴⁹ Miezaka aho ny ho tonga eo amin'ny faritra iray hitenenako zavatra anankiray aminareo, izay izaho—izaho dia mino. Mahalana ilay Feo, ilay Feon'Andriamanitra.

⁵⁰ Ankehitriny, mahita isika fa izy ireo no nanao ny dingana. Ary mba efa voamarikareo ve, fa ireo tovolahy tanorantsika dia lasa "Ricky" sy "Elvis." Manana zanaka antsoina tahaka an'izany ve ianareo, ovay avy hatrany izany, antsoy izy hoe laharana "iray" na "roa," na zavatra hafa. Aza, izany dia mampatahotra anankiray . . . Hoy ianareo hoe, "Inona no fahasamihafana amin'ny dikan'ilay anarana?" Nahoana, azo antoka, midika zavatra anankiray izany. Ny anaranareo no maneho ny toetry ny fiainanareo. "Ankehitriny, Rahalahy Branham, miantehitra amin'ny filaharana ianao." Tsia, tsy miantehitra aho! Izaho dia miantehitra amin'ny HOY NY

TOMPO HOE! Nahoana i Jakoba rehefa, nivelonan tamin'ny anarany izy, toy ny-toy ny mpamitaka, mpisoloky, Jakoba. Fa rehefa nanova azy Andriamanitra, dia nanova ny anarany Izy. Andriamanitra no nanova an'i Saoly ho Paoly, Simona ho Petera. Izany tokoa, misy zavatra izany. Ary Ricky sy Elvis, sy ireo anarana tahaka an'izany, dia anarana Amerikana moderina izay manipy ho azy an'ilay zaza ho ao anatin'ilay izy avy hatrany. Hitanareo ve izay tiako lazaina?

⁵¹ Ankehitriny, manantena aho fa izaho tsy... Tsaratsara kokoa ho ahy ny miverina any aorianama tsy hahatonga ahy ho lasa lavitra loatra eto, (hitanareo ve izay tiako lazaina?) ka tsy ho azonareo. Fa ireo zavatra rehetra ireo dia tsy mety ho azon'ny ankamaroan'ny olona. Tsy takany izany, satria manana fironana tokana izy ireo. Izay ihany no henoin'izy ireo, ireo feo ireo.

⁵² Misy ny feon'ireo filozofy, Kaominisma, mampantantera zavatra izay tsy hainy hazonina. Kanefa dia isan-jatony lehibe amin'ny Amerikana no revo ao amin'ny Kaominisma. Ankehitriny, izaho efa tany amin'ny Kaominisma, ireo faritry ny Kaominisma, raha ny marina, tany Alemana, tany amin'ny ilany atsinanan'i Berlin. Nanana trano tsara lehibe izy ireo haseho ety ivelany. Tsy maintsy miditra ao anatin'izy ireo ianareo, tsy mbola vitan'izy ireo akory aza. Toe-karena sandoka ilay izy, miezaka izy ireo ny hamadika zavatra.

⁵³ Ary, any Rosia, ilay toerana nahaterahan'ny Kaominisma... Fa, taona maro lasa izay, raha mbola tovolahy mpitory teny fotsiny aho tamin'izany, ataoko hoe telo amby telopolo taona lasa izay, rehefa ny Nazisma, ny Fasima, ary ny Kaominisma no nitsangana, hoy aho hoe, "Miteny amin'ny Anaran'ny Tompo aho! Izay rehetra ireo dia hifatratra ao amin'ny Kaominisma." Saingy, efa mba noheverinareo ve, fa Andriamanitra dia namela lalana hivoahana anankiray ho antsika, raha nandray an'ilay izy fotsiny isika. Iray isan-jaton'i Rosia ihany no Kaominisma, iray isan-jato, saingy izy ireo ilay isan-jato izay manapaka. Iray isan-jaton'ny Kaominisma... iray isan-jaton'i Rosia no Kaominisma, raha ny marina, saingy izy ireo no manapaka.

⁵⁴ Ary ny zavatra mitovy, toerana anankiray no ananan'ny Hollywood, saingy izy ireo no ao amin'ny fanapahana.

⁵⁵ Eo amin'ny iray am-pahatelony na roa am-pahatelony mponin'i Etazonia no mandeha any am-piangonana, ary mpikambana ao amin'ny fiangonana, saingy izy ireo no manapaka ao amin'ireo anaram-piangonana ireo.

⁵⁶ Ny llain'ny Kaominisma any dia ny Feon'Andriamanitra izay mitsangana eo anivon'izy ireo, ary Izany no hametraka azy ao amin'ny fahamenarana.

⁵⁷ Tany Finlande, rehefa nitsangana tamin'ny maty ilay tovolahy kely tamin'izany andro izany, ary nentin'izy ireo teo amin'ny zoron-dàlana anankitelo aho, izay nisy an'ilay namana

kely nitsangana, ilay maty; miaramila Kaominista, Rosiana, no nitsangana teo niaraka tamin'ilay fiarahabana Rosiana, ary ny ranomaso no nikoriana teo amin'ny takolak'izy ireo. Hoy izy ireo hoe, "Handray Andriamanitra anankiray izay afaka manangana ny maty izahay." Izany ilay tsirambin'ny fiangonana Katolika sy ny fiangonana Loterana, ary ireo anaram-piangonana rehetra, ka naka ny vola rehetra, ary nanorina rafi-pandaminana, nefy tsy nanome na inona na inona ny olona. Miaina tahaka ny olona sisà rehetra izy ireo. Nisy . . .

⁵⁸ Ny ilain'i Rosia dia mpaminany iray hitsangana eo amin'ny sehatra miaraka amin'ny Tenin'ny Tompo, ka afaka—afaka hanakombona ny vava. Amin'izay fotoana izay dia ilay sivifolo isan-jato no handresy.

⁵⁹ Ny ilain'i Amerika dia Feo iray an'ny mpaminanin'Andriamanitra, izay afaka hitsangana sy hanameloka ny Hollywood, sy hanameloka an'ireo zavatra ireo amin'ny Anaran'i Jesosy Kristy, ary dia ny Fiangonan'ny Fanahy Masina no handresy. Fifanjevoana be loatra, hitanareo, feon'ny fanoherana be loatra no manohitra an'Izany.

⁶⁰ Ny fiangonana, ny feony, ny tsirairay dia mila mpikambana betsaka. Ny Batista mila an'izy rehetra, ny Metodista mila an'izy rehetra, ny Presbyterana. Azonay ireo rehetra ireo. Nefa toa ny Katolika no hahazo an'izy rehetra, ary ho azony. Izany tanteraka no Feon'Andriamanitra avy ato amin'ity Baiboly ity. Izy ireo no hanapaka.

⁶¹ Saingy ilay Andriamanitra Avo Indrindra no hanapaka amin'ny farany. Ireo Masina no handresy, indray andro any, ny Baiboly no milaza an'izany. Handresy izy ireo.

⁶² Diso be loatra ireo feo! Avy eo dia misy ny feon'ny mpaminany sandoka. Izany no feo mampatahotra, lehilahy anankiray izay miantso ny tenany ho mpaminany. Ny mpaminany, mazava ho azy, dia mpitoky teny anankiray. Ny teny moderina hoe "mpaminany" dia midika tanteraka hoe "lehilahy anankiray izay mitoky teny eo ambanin'ny tsindrimandry." Misy ny lehilahy anankiray izay mitsangana ka miantso ny tenany ho mpaminany, nefy mandà ny Tenin'Andriamanitra, mandà ny Fahamarinan'Andriamanitra. Betsaka loatra ny feo misy!

⁶³ Fotoana vitsy lasa fotsiny izay, nisy rahalahy anankiray teo nanoro ahy izay hidirana eto, saingy izaho . . . dia mihevitra fa nanontany tena izy hoe nahoana aho no nandeha teo amin'ny lâlana dia nihodina ary niverina. Raha eto ianao, rahalahy, nihaino zavatra anankiray aho, izany dia ny—ny namantsika maity hoditra, ireo maity. Manana tempoly iray izy ireo eto, ary izany dia antsoiny hoe, "ilay Elijah Mohammed," na zavatra hafa, "Elijah Mohammed tanora." Mitsangana amin'ny feo anankiray, ary milaza fa izy ireo no feo izay hitondra ny—hitondra ny taranaky ny maity hoditra hivoaka avy ao amin'ity

fahapotehana ity. Izany, hitanareo, ilay tena zavatra, ireo—ireo—ireo Silamo dia eto, ireo Moskeny. Nahoana, tsy hitanareo ve, fa ilay tena fitsipik'ilay izy mihitsy, dia diso!

⁶⁴ Ny vahoaka mainty hoditra, tahaka ny vahoaka fotosy hoditra mihitsy, vahoaka zarazara hoditra, ary vahoaka mavo hoditra, tsy hiverina amin'ny—hiverina amin'ny Mohammedisma, fa hiverina amin'i Kristy, ireo tena fitsipika izay ampianarin'ny Baiboly. Ny Mohammedanisma dia manohitra ny Teny. Ankehitriny, izaho dia nanana tombontsoa manokana nitarika Mohammedana iray alina teo amin'i Kristy indray mandeha tany Durban, Afrika Atsimo. Tsy mamokatra afa-tsy fandinihana ara-tsaina izany. Ary ny fandinihana ara-tsaina dia tena tsara raha mbola tsy mandà ny Teny foana ny fandinihana ara-tsaina. Saingy rehefa mandà ny Teny ny fandinihana ara-tsaina, amin'izay fotoana izay dia ratsy ny fandinihana ara-tsaina. Manome feo hafahafa izany. Ny zavatra hafa rehetra dia ho levona fa ny Tenin'Andriamanitra, Jesosy no niteny an'izany, "Ny Lanitra sy ny tany ho levona, fa ny Teniko tsy ho levona mihitsy." Koa, hitanareo fa isika dia tsy maintsy mijanona miaraka amin'ny Teny, ilay Feo.

⁶⁵ Koa dia maro ny mampifangaro zavatra! Mitsangana ny olona, tsy mahafantatra ny Teny izy ireo, ary milaza zavatra izy ireo, ary angamba toa tahaka ny mety ilay izy. Ny Kaominisma dia tena zavatra mety anankiray, "Ny olona rehetra mitovy. Tsy misy intsony ny kapitalista, izy rehetra dia Kaominista." Efa mba nijanona ve ianareo mba hieritreritra fa izany dia fifohazana sandoka, dia ny Kaominisma? Ary aiza no nangalan'izany modely avy eo? Ny... Hoy Jesosy hoe, "Ireo fanahy roa dia tena hifanakaiky, hamitaka ny Voafidy izy raha azo atao." Ary ny zavatra rehetra izay ananan'ny devoly, dia ny famadihana an'izaynoforoin'Andriamanitra. Ny fahotana dia—dia ny marina voavadika. Ny lainga dia ny Fahamarinana nosimbaina. Ny fijangajangana dia—dia, hetsika anankiray izay nandidian'Andriamanitra antsika, voavadika. Ny tsy finoana rehetra dia ny famadihana ny finoana. Tsy maintsy mandà ny Fahamarinana ianareo mba handraisana an'ilay—ilay famadihana. Hitanareo, diniho ireny feo ireny, zahao toetra amin'ny alàlan'ny Teny izy ireny dia jereo raha izany no Fahamarinana.

⁶⁶ Oh, toy ny ahoana no hahafahantsika manohy dia manohy, eo amin'ireo feo amin'izao andro izao ireo, saingy lasa ny fotoantsika. Fa, maro loatra ny feo ka tsy fantatry ny olona izay hatao. Ny Metodista handre mpitory teny Batista amin'ny farany, handeha ho any izy ireo, hijanona eo vetivety izy ireo ary avy eo dia handeha ho any amin'ny Loterana. Ary ao amin'ny Pentekotista, dia manana antoko samihafa izy ireo, ny iray hihazakazaka ho any amin'ny anankiray, ny iray ho any amin'ny hafa, avy eo dia etsy sy eroa. Izany no maneho fa tsy mari-

toerana ianareo. Henoy Ny Feony! Ity Izzy eto, voasoratra eo amin'ny taratasy, ilay Feo, ilay Feo dia ho voamarina raha Izzy no ilay Fahamarinana.

⁶⁷ Ny fiangonan'izao tontolo izao dia tsy mahafantatra izay hatao, ny tontolon'ny politika dia ao anatin'ny fahapotehana. Ny zavatra rehetra toa ao anatin'ny fahapotehana anankiray. Ireo namana miala avy eto, misy zavatra hafa mipoitra, lobaka anankiray, palitao anankiray. Rehefa tany Roma aho, dia nanana fantsika sivy ambin'ny folo samihafa izy ireo nohamarinina fa izany no nalentika tao amin'ny tangan'i Jesosy; nefä dia telo ihany no nisy, kanefa izy ireo dia nanana ny tahirin'ireo fantsika sivy ambin'ny folo samihafa ireo. Ankehitriny, inona no fahasamihafana eo amin'izay manana an'ilay fantsika? Tsy namela fantsika ho antsika ho tomponia mihitsy Kristy, ny Fanahy Masina no Navelany ho antsika, amin'ny alalan'ny Teniny! “Izao famantarana izao no hanaraka ireo izay mino, hahazo ny fantsika tany am-piandohana ve izy ireo”? “Izy ireo dia hahazo... Izao famantarana izao no hanaraka ireo izay mino, hikambana amin'ny anaram-pianganana izay Hatomboko ve izy ireo”? Tsy nanomboka anankiray Izzy. Hitanareo ve hoe toy ny ahoana no mampifanohitra an'ilay feo?

⁶⁸ Fa, “Izao famantarana izao no hanaraka ireo izay mino; amin'ny Anarako dia handroaka devoly izy ireo.” Izany no Teny. “Hiteny amin’ny fiteny vaovao izy ireo; handray menarana, izay tsy handratra azy ireo. Raha misotro zava-mahafaty izy ireo, dia tsy hampaninona azy izany. Raha mametraka ny tangan'i amin'ny marary izy ireo, dia ho sitrana ireny.” Ary dinihonareo ireo zavatra ireo miampy ny sisa rehetra amin'ny Soratra mitambatra.

⁶⁹ Ankehitriny, raha izany fotsiny ihany dia tsy hanamarina an'ilay izy, tsia tokoa. Teo no nahatonga antsika Pentekotista ho diso lalana. Tsy nilaza ve Jesosy hoe, “Maro no ho avy eo Amiko amin'izany andro izany, ka hanao hoe, ‘Tompo, tsy efa nanao zavatra lehibe tamin'ny Anaranao ve aho? Tsy efa naminany tamin'ny Anaranao ve aho? Tsy efa nanao an'ity tamin'ny Anaranao ve aho?’” Dia hoy Jesosy hoe, “Mialà Amiko, ianareo mpanao meloka, tsy nahafantatra anareo mihitsy Aho.” Hitanareo ve, ry anabaviko sy rahalahiko, hoe naohoana aho no tena manameloka sy miampanga an'ity taranaka ity? Mety miteny amin'ny fiteny tsy fantatra tahaka ny olona sy ny Anjely ianareo, mety mandihy amin'ny Fanahy manodidina ny fianganana ianareo, tsy misy idiran'izany amin'Io.

⁷⁰ Izaho efa nahita Mohammedana nandihy nanodidina tahaka an'izany. Izaho efa nandre tao amin'ny mpanasitrana... tobin'ny mpamosavy mpanasitrana, nahita an'ireo mpamosavy nitsangana sy niteny tamin'ny fiteny tsy fantatra ary nandika

an'ilay izy, ary niteny tanteraka an'izay hitranga, ary dia nitranga arak'izay ilay izy. Izaho efa nahita pensily mihitsy aza nitsangana sy nanoratra tamin'ny fiteny tsy fantatra, ary iray ihany no afaka namaky an'ilay izy, ary avy tamin'ny devoly izany. Tsy afaka mampiantehitra ny fiafaranareo Mandrakizay eo ambonin'ny fihetseham-po anankiray ianareo. Satana dia afaka maka tahaka ny tsirairay amin'ireny fihetseham-po ireny. Tsy... Tsy maintsy fahafantarana an'i Kristy ilay izy, zavatra miova ao amin'ny fiainanareo. Diniho ny fiainanareo ary ataoovy modely amin'ny Teny izany, dia jereo hoe aiza no misy anareo. Manao fandinihan-tena, izany tokoa.

⁷¹ Na dia eo aza ireo fakàna tahaka rehetra ireo, feo sandoka, mpaminany sandoka, ireo zavatra hafa rehetra izay mitsangana ireo, dia mbola niteny foana Jesosy, na dia eo aza ireo rehetra ireo, "Raha misy olona handre ny Feoko dia hanaraka Ahy." Izy no Teny. Henoy, ny Baikony ho antsika amin'izao andro izao, ao anatin'ireo feo rehetra ireo. Fa, nilaza aho fa handany ora maro ny hampisehoana an'ireo feo rehetra ireo. Ary mampisavorovoro ny olona izany, ary zavatra mampangorakoraka izany. Ary, na eo aza izany, dia tsy hanana anjara fanindroany ianareo, tsy maintsy mandray Azy izao ankehitriny izao ianareo. Mety tsy hanana anjara anankiray ianareo rahariva. Mety tsy hanana anjara anankiray ianareo rahampitso. Izao ankehitriny izao ilay izy! "Rehefa mandre ny Feoko ianareo, aza manamafy ny fonareo, tahaka ny tamin'ny andron'ny fahasosorana. Izao ankehitriny izao no fotoana. Izao no fotoana ankasisitrahana raha misy olona handre ny Feoko." Izany no hampiseho fa ny Feony dia mbola eto foana ao afovoan'ireo fahapotehana rehetra. Mbola manana Feo anankiray Izy! Nahoana? Ny Feony dia haharitra mandrakizay. Izao ilay izy, "Ny lanitra sy ny tany ho levona, fa ny Feoko tsy ho levona," ny Teniny.

⁷² Ndao isika haka fotsiny, atao hoe, dimy minitra hafa, haingakaingana. Vitanareo ve, sitrakareo ve ny hijanona elaela, na minitra vitsy? Ankehitriny, handeha haingana aho. Ndao isika haka fotsiny sasantsasany izay nandre an'io Feo io ary nankato an'Izany. Toy ny ahoana no nampiasan'Izany azy ireo, inona no nasain'Izany nataon'izy ireo. Ankehitriny aho dia tsy maintsy handingana betsaka amin'ny—ny Soratra eto, mba hilaza avy hatrany aminareo fotsiny hoe ahoana no nanovan'Izany ny fiainan'izy ireo sy izay rehetra nikasika azy ireo, ahoana no nahalasa azy ireo ho vorona hafahafa, isika no miantso hoe "vorona hafahafa." Ny olona rehetra izay nino an'Andriamanitra mandrakariva, dia noheverina ho vorona hafahafa anankiray. Satria, raha mirona amin'izao tontolo izao ianareo, dia misy zavatra tsy mety ao aminareo ao. Mba ho Kristiana anankiray dia tsy maintsy ho vorona hafahafa anankiray ianareo. "Fa izay rehetra miaina am-pahamasinana ao amin'i Kristy Jesosy dia hiaritra ny fanenjehan'izao tontolo

izao. Teto amin'izao tontolo izao Izy, ary tamin'ny Alàlany no nanaovana an'izao tontolo izao, nefo izao tontolo izao tsy nahafantatra Azy." Haingakaingana ankehitriny, henoy tsara raha hamarana isika.

⁷³ Adama dia nandre ny Feony, tao amin'ny hatsiasiakan'ny hariva, ary nanana firaisansana Taminy. Tsy nisy ozona teo amin'i Adama. Nandre ny Feon'Andriamanitra izy, ary hoy izy hoe, "Ray, ankehitriny dia handeha hatory aho." Ary nandry izy, ary i Eva teo amin'ny sandriny, ny liona, ny tigra, ary ireo bibi-dia dia nandry nanodidina azy mihitsy, tsy nisy faharatsiana, tsy nisy fomba nampaharary, tsy nisy fomba nanontaniana tena raha hifoha izy ny maraina, tsy maintsy hifoha izy ireo. Adama dia nandre ny Feony tamin'ny fomba izay tsy maintsy handrenesana an'Izany.

⁷⁴ Fa indray andro dia ny feon'ny vadiny no norenesiny. Tsaratsara kokoa ho ahy ny mamela an'izany vetivety. Fa nihaino feo diso izy, kanefa ny vadiny izany, ilay fatorana akaiky indrindra izay nananany teto an-tany. Nahoana izy no tsy nanao, tahaka an'i Joba, "Miteny tahaka ny vehivavy adala ianao"? Raha izany no natao, ny taranak'olombelona manontolo dia ho velona daholo raha tokony ho faty. Izany no nanova ny fizotry ny olombelona sy ny fotoana. Fa nandre ny Feon'Andriamanitra izy, nanana firaisansana tamin'Izany izy, saingy rehefa nihodina izy... Ahoana no nahafantarany fa diso ny vadiny? Tsarovy, nahafinaritra izany.

⁷⁵ Isika dia mihevitra amin'izao andro izao fa ny rafi-pandaminantsika, ny fiangonana, isika dia mihevitra fa ny fahombiazantsika amin'izao andro izao dia hoe Andriamanitra mitsiky amintsika. Ohatry ny tsara ilay izy. Ohatry ny tsara ilay izy rehefa nitsangana i Mikaina tany teo anatrehan'ireo mpaminany efa-jato, sy ny firenena manontolo nikambana tamin'izy ireo, ary ireo Filistina dia tao anatin'izany, na ireo Asyriana, ohatry ny tsara ilay izy. Ireo mpaminany ireo dia niteny hoe, "Mandehana mankany, antsika izany. Alaivo izany!" Saingy tsy izany ilay Feon'Andriamanitra. Ary nitodika i Mikaina ka nanozona an'ilay feo. Ary ahoana no nahafantarany hanao an'izany? Satria ny fahitany dia niaraka tamin'ny Teny tanteraka. Izany no fomba tokana hatokiana an'ilay izy sy hahitana an'ilay izy amin'izao andro izao, tsy maintsy eo amin'ny Teny ilay izy.

⁷⁶ Noho izany dia voamarikareo rehefa avy nihaino feo hafa ankoatry ny Feon'Andriamanitra i Adama, ilay tena vadiny. Ary ny fiangonana dia mihaino ny feon'ny rafi-pandaminany, manatsofoka ao anatin'izy ireo ny fanekem-pinoana raha tokony ny Teny, mamela azy ireo hiaina amin'ny fomba izay tian'izy ireo. Raha mbola mandeha any am-piangonana foana izy ireo ka mpikambana amin'ny fiangonana anankiray, dia izay ihany no

ilaina. Ny fifandraisana akaiky indrindra izay ananan'ny mpino eto an-tany, ho azy ireo, dia ny fiangonana. Fa ny mpino, ny tena mpino, ny fifandraisana akaiky indrindra dia ny Fanahy Masina, dia ny Tenin'Andriamanitra.

⁷⁷ Koa hitanareo fa i Adama dia nahafantatra ny toerany, ary nandre ny Feon'Andriamanitra niantso indray izy, ary tao anatin'ny ravin'aviavy izy tamin'izany. Saingy feon'ny fanamelohana ilay izy, "Nahoana ianao no nanao an'izao?"

⁷⁸ Manontany tena aho raha ny Amerika amin'izao andro izao, na izao tontolo izao ao anatin'ny horakoram-pivavahany, izay misy azy, ary Amerika milentika, satria voatelina, ho lassa fivavaham-pirenena izany tsy ho ela. [Elanelana tsy voarakipeo—Mpand.]

⁷⁹ Iza io mipetraka eo anoloako io? Fantatro fa raisim-peo izao ary izao dia handeha eran'izao tontolo izao. Manana asa fanaovana raki-peo izahay, mba hitetezan'ny Hafatra rehetra an'izao tontolo izao, ny firenena hafa rehetra.

⁸⁰ Eny, ankehitriny raha mijery ianareo ka mahita, dia mitsangana fotsiny ao anatin'ny ravin'aviavy ianareo. Rehefa mivoaka ny Feon'Andriamanitra marina, dia tsy fantatr'izy ireo izay atao mikasika an'izany. Mampisavorovoro izany, tsy fantatr'izy ireo izay hatao.

⁸¹ Haingakaingana, Noa dia nandre ny Feon'Andriamanitra. Izany dia nomanina mba hamonjy ny fiaianany, ary izy dia nanaraka an'ireo toro-hevitra ka nihazona izy.

⁸² Raha misy olona iray mandre ny Feo... Ankehitriny henoy, raiso tsara izao. Aza diso an'izao. Raha misy olona iray mandre ny feon-javatra anankiray, ka voaporofa fa ny Feon'Andriamanitra Izany, amin'ny fotoan'andro, ary avy eo dia mivoaka avy ao amin'ilay olona izany, ny lanitra sy ny tany ho levona fa izany Teny izany dia tsy mety levona.

⁸³ Nandre an'ilay Feo i Noa, ary nanameloka an'izao tontolo izao. Ary nihomehy teo anatrehany izy ireo satria ny—ny Hafany dia tsy nifanaraka tamin'ny zava-bitia siantifikan'izy ireo, saingy avy ny orana ary nandrava ny tany manontolo izany. Hitanareo? Ny Feony no nivoaka, ny voa dia nandry tao. Ny taona rehetra dia nitovy tahaka an'izany.

⁸⁴ Samoela, dia nivadi-po rehefa nandre an'ilay Feon'Andriamanitra izy, hoe izy no... handeha hanameloka an'i Ely, ilay lehilahy izay namolavola azy. Ilay lehilahy izay dada anankiray ho azy sy nitaiza azy ary namelona azy.

⁸⁵ Ry rahalahy mpitoriteny, hanao ve aho? Ireo mpitoriteny, matetika, eo amin'ireo taniny ara-anaram-piangonana sy ny fanekem-pinoany, ireo taratasim-panendreny any anaty paosiny, avy tamin'ny papa mihitsy, ilay rafi-pandaminana mihitsy izay namolavola azy ireo sy namelona azy ireo

ary nanandratra azy ireo ka nametraka azy ireo tamin'ny toerany tao amin'ny fiangonana, ary nametraka azy ireo tao amin'ny fikambanana anankiray, tsy maintsy mitsangana ianareo manameloka an'izay ampianarin'izy ireo. Hitanareo? Ho zavatra mampatahotra toy ny inona moa ho an'ny mpanompon'Andriamanitra marina anankiray ny mandre an'ilay Feon'Andriamanitra ka tsy maintsy hiverina any amin'ilay renin'ny rafi-piangonana, hanao hoe, "Voaheloka ianareo satria tsy nandray an'ity Teny ity ianareo." Zavatra toy inona!

Sarotra izany ho an'i Samoela. Saingy mpaminany izy, tsy maintsy nataony izany. Tsy nihevitra na handratra izany na tsia, fa tsy maintsy nataony izany na izany aza.

⁸⁶ Nandre ny Feon'Andriamanitra i Mosesy. Feno teolojia izy tamin'izany. Fantany ny *anatiny* sy ny *welany*, saingy tsy nahomby izy. Nandre ny Feon'Andriamanitra izy, tsy nitovy tamin'ny taloha intsony i Mosesy.

⁸⁷ Ary tsy misy olona mitovy amin'ny taloha intsony. Mety mandre ianareo ao amin'ny sofinareo ny—ny Feo izay miteny, saingy rehefa mandre ao amin'ny fonareo ianareo, ny Feo izay miteny, hitanareo, amin'izay fotoana izay ianareo no mandre. Tsy ny masonareo no ahitanareo. Ny masonareo no ijerenareo, ny fonareo no ahitanareo. Mahita zavatra anankiray ianareo, manao hoe, "Tsy hitako mihitsy ilay izy," ny tianareo ho lazaina dia hoe tsy azonareo ilay izy. Tsy ny sofinareo no andrenesanareo, ny fonareo no andrenesanareo. Matetika dia ny sofinareo no mandre ny Feon'Andriamanitra marina, ary dia misosa fotsiny eo aminareo Izany tahaka ny rano eo andamosin'ny ganagana. Fa rehefa tena mandre marina ianareo, dia ny fonareo no andrenesanareo.

⁸⁸ Ary ny teolojia rehetra izay nananan'i Mosesy, dia tsy nandrenesany an'ilay Feon'Andriamanitra. Saingy indray andro dia niantso an'ity mpiandry ondry valopolo taona ity Andriamanitra hihataka ery ankilany ary niresaka taminy, ary noraisiny Izany. Noporofoiny fa Izy no Andriamanitra. Ny zavatra voalohany Nataony tamin'i Mosesy, dia ny nanamarina ny Teniny, "Hidina Aho, Tsaroako izay Nampanantenaiko."

⁸⁹ Ary izao no Nampanantenainy ho an'ny andro farany. Hanangana olona avy amin'ny Jentilisa Izy, sy ireo teny fikasana rehetra.

⁹⁰ "Izao no Nampanantenaiko." Hoy Izy, "Ry Mosesy, esory ny kapanao." Amin'ny teny hafa dia, hajao Izany. "Ankehitriny atsipazo ny tehinao." Ary ilay—ilay tapa-kazo maina iray avy tany an-efitra dia lasa menarana anankiray, ary noraisin'i Mosesy ilay izy, dia lasa niverina tamin'ny toerana indray. Hitanareo? Fantany fa Andriamanitra izany, satria Andriamanitra no nilaza, ilay Tenin'Andriamanitra,

ilay Teny izay Noteneniny, no nanao hoe, "Atsipazo ny tehina eny an-tànanao." Izany no Tenin'Andriamanitra. Aza miezaka manao zavatra mitovy amin'izany, tsy Tenin'Andriamanitra ho anareo izany, Tenin'Andriamanitra ho an'i Mosesy izany. *Ity* no Tenin'Andriamanitra ho anareo! "Atsipazo ilay tehina." Nivadika ho menarana ilay izy. Hoy Izy, "Ankehitriny matahotra an'ilay izy ve ianao? Raiso amin'ny rambony ilay izy," ary dia niverina indray izany. Ny Tenin'Andriamanitra ho azy. Inona no Nataony? Nanamarina ny Teniny Andriamanitra.

⁹¹ Nahazo antso iray aho teto volana vitsy lasa izay, teo amin'ny, tamin'ny, oh, teo amin'ny herintaona teo ilay izy, herintaona mahery lasa izay. Ramatoa anankiray teo amin'ny antso an-telefaonina, niaraka tamin'ny mpitoky teny Batista iray sy mpitoky teny Pentekotista iray. Hoy izy hoe, "Ranadahy Branham, ny Tompo no nanao ahy ho mpaminanivavy anankiray."

Hoy aho, "Tsara."

⁹² Hoy izy, "Fantatralo moa, nolazaina tamiko fa ianao no nilaza fa ianao—iana dia nanaiky fa ny asam-panompoako dia avy tamin'Andriamanitra."

⁹³ Ankehitriny, tsy afaka nanao an'izany aho, mifanohitra amin'ny Teny izany. Koa hoy aho hoe, "Ramatoa, fahadisoana izany. Izaho aza tsy mahafantatra anao akory."

⁹⁴ Ary ilay mpitoky teny Batista, nandre azy aho, nandre an'ilay mpitoky teny Pentekotista aho. Hoy izy hoe, "Eny, manana fivoriana anankiray aho eto." Ary hoy izy, "Manao zavatra lehibe ny Tompo."

⁹⁵ Hoy aho hoe, "Mankasitraka aho ny amin'izany." Hoy izy hoe... Hoy aho hoe, "Efa mba niteny zavatra taminao ve Izzy hatramin'izao?"

Hoy izy, "Eny, manana fandaharana lehibe aho eto am-pelatànana."

⁹⁶ Hoy aho hoe, "Mahafinaritra." Hoy aho hoe, "Ankehitriny, inona ilay fandaharanao?" Hoy aho hoe, "Inona no notenenin'ny Tompo anao?"

⁹⁷ "Hoy Izy hoe, 'Mandehana any Phoenix, Arizona, amin'izao-izao daty, ary dia Homeko anao ny Dutchman Gold Mine izay very, ary ianao no haka an'io volamena izay hita ao anatin'ao ary ianao no hanohana ireo misionera manerana an'izao tontolo izao.'" Nefa isika rehetra dia mahafantatra fa ny Dutchman Mine izay very dia angano anankiray. "Izany no Nolazainy."

⁹⁸ Hoy aho hoe, "Eny, hiteny aminao aho hoe ahoana no hahitana na Andriamanitra izany na tsia." Hoy aho hoe, "Mandehana any amin'io andro io. Ka raha ianao no mahita an'ilay Dutchman Mine izay very, dia Andriamanitra izany. Raha tsy hitanao ilay Dutchman Mine, dia mibebaha ary esory

hiala aminao izany fanahy mandainga izany.” Izany no hahitana na Andriamanitra izany na tsia.

⁹⁹ Hoy Andriamanitra hoe, “Ry Mosesy, atsipazo ilay tapakazo, ary hivadika menarana anankiray izany.” Nataony izany. Hoy Izy hoe, “Raiso amin’ny rambony izany dia ho lasa tapakazo anankiray indray.” Nataony izany.

¹⁰⁰ Rehefa Andriamanitra no manao teny fikasana anankiray ho an’ny asam-panompoana iray amin’izao andro farany izao, dia Izy no hanamarina izany tanteraka mihitsy amin’ny fomba izay Nolazainy fa Hanaovany azy. Amin’izay fotoana izay dia fantatrareo fa ny Feo marina no azonareo. Ilay Zavatra marina no henonareo, satria izany ilay Teny nohamarinina. Hitanareo? Oh, ahoana . . . Miala tsiny aho, izaho . . . Eny àry.

¹⁰¹ Lasa hafa ny fihetsik’i Mosesy. Jereo hoe inona ilay—ilay zavatra hafahafa nataon’i Mosesy. Ankehitriny, rehefa manaraka ny Feon’Andriamanitra foana ianareo, dia adala ianareo, ho an’izao tontolo izao. Ny andro nanaraka, hitantsika i Mosesy, miaraka amin’ny vadiny eo ambonin’ny ramole anankiray, ary tsaiky iray teo amin’ny valahany, na fiteny tatsimo izany, “zaza” teo amin’ny valahany, indreo izy ireo. Ilay lehilahy antitra miaraka amin’ny volombava mirotsaka tahaka an’izao, ary ny lohany sola mangirana, tapa-kazo anankiray teny an-tànany, mitarika apondra anankiray, midina avy hatrany mankany Egypta haingana arak’izay vitany. Hoy ny olona anankiray hoe, “Ry Mosesy, ho aiza ianao?”

¹⁰² “Hidina any Egypta, mba handresy an’ilay zavatra.” Tamin’izany dia tsy nahomby izy fony mbola lehilahy tanora, tsy nahomby izy fony mbola miaramila, saingy indro izy nidina mba handresy. Ary nataony izany. Nahoana? Nandre an’ilay Feon’Andriamanitra izy ka nahita an’Izany voamarina ho an’ny androny, ho an’ireo zavatra izay tsy maintsy hisy tamin’ny androny. Hitany izany.

¹⁰³ Paoly, mpilaza-tena ho Fariseo anankiray, tena feno teolojia mihitsy arak’izay tratrany, saingy indray andro dia nandre an’ilay Feon’Andriamanitra izy. Nahita Andry Afo anankiray izy, ary fantany fa nisy zavatra hafa teo. Nanova ny fiainany Izany. Tsy mampaninona na Fariseo firy, na Gamaliela firy na zavatra hafa no niantsoantso an’i Paoly hoe, “diso ianao, diso ianao.” Paoly, rehefa nandre ny Feon’Andriamanitra izy, dia nahafantatra izy fa Izany no Fahamarinana.

¹⁰⁴ Petera, mpivavaka arak’izay azony natao, nihazona ny fomban-drazana, tsy nihinana hena mihitsy izy. Tsia, tompoko. Tsy nisy niraharahiány an’izany mihitsy tokoa. Tena nihazona marina an’ireo fomban-drazana izy, araka ny Teny mihitsy. Inona no nitranga? Indray andro dia nandre ny Feon’Andriamanitra izy, “Aza antsoinao ho ratsy sy maloto io zavatra io, rehefa Nodioviko.” Lehilahy anankiray niova izy

tamin'izany. Vonona izy ny nandeha tany amin'izay rehetra nanirahan'ny Tompo azy.

¹⁰⁵ Eto am-pamaranana, dia afaka miteny an'izao aho. Nisy lehilahy iray indray mandeha izay mpino anankiray. Maty nandritry ny efatr'andro izy. Tao anaty fasana tao izy, maimbo, lo, saingy nandre ny Feon'Andriamanitra izy niteny hoe, "Ry Lazarosy, mivoaha!" Ary raha nahatafaverina olona anankiray Izany taorian'ny nahafatesany sy ny naha-lo azy, dia inona no mety hataon'Izany ho an'ny fiangonana iray izay mbola misy aina ao anatiny? Tsy maintsy hanangana azy ireo Izany, ao anatin'ny fisavorovoroan'ireo feo rehetra izay noresahantsika ireo, fivavahana, politika, Hollywood, ireo faminaniana sandoka rehetra sy ny sisa izay mivoaka. Eo afovoan'izany rehetra izany, ilay Feon'Andriamanitra marina no hiantso olona anankiray, maty tao amin'ny fahotana sy ny fandikàn-dalàna, ho amin'ny fiainana indray. Tsy maintsy haka fiangonana mpiverin-dàlana anankiray izany ary hiantso azy ho amin'ny fiainana indray. Azo antoka!

¹⁰⁶ Tsarovy, eto am-pamaranana, izao no lazaiko, ary avy eo dia hamarana aho. Hoy Jesosy hoe, "Ho avy ny andro, izay handrenesan'ireo izay ao am-pasana ny Feon'Andriamanitra." Ary handre an'Izany ianareo. Tsy mampaninona na inona ny toerana misy anareo, dia handre an'Izany ianareo na izany aza. Ary ny sasany amin'ireo izay hivoaka avy ao am-pasana, dia ho tonga eo amin'ny fanamelohana. Mandre an'ilay Feo izy ireo, saingy manameloka Izany. Ary raha mandre Izany ianareo anio, "Anio, taorian'izay ela be izay, raha mandre ny Feoko ianareo, aza manamafy ny fonareo, tahaka ny nataonareo tamin'ny andron'ny fahasosorana." Ary raha ianareo, olona Pentekotista ireo no manakambana ny tenanareo amin'ireo fanekem-pinoana indray, amin'ireo zavatr'izao tontolo izao, "manana ny endriky ny toe-panahy araka an'Andriamanitra nefà mandà ny Heriny," alohan'ny hitsangananareo ao amin'ny fitsanganana mba ho melohina, satria ilay Feon'Andriamanitra izay niteny taminareo ankehitriny tamin'ny alàlan'ny Teny no hanameloka anareo amin'izany andro izany.

¹⁰⁷ Raha mpino matimaty anankiray fotsiny ianareo, dia miantsoantso ao amin'ny fonareo ilay Feon'Andriamanitra izao maraina izao hoe, "mpino matimaty anankiray ianao," tsaratsara kokoa ho anareo ny mibebaka!

¹⁰⁸ Ianareo ry lehilahy, vehivavy, tovolahy na tovovavy, izay tsy miaina ho an'i Kristy, ka ny Feon'Andriamanitra no miteny aminareo amin'ny alàlan'ny Teniny ary manao hoe "atsaharo ny fanaovana an'io," dia tsaratsara kokoa ho anareo ny manao izany. Satria handre an'Izany indray ianareo indray andro, ary Izany dia hanameloka anareo. Tsy afaka mandà

Azy ianareo, miresaka aminareo Izy ankehitriny. Ary, tsarovy, voaray feo izao.

¹⁰⁹ Ary ireo izay manao ny marina ka mandre ny Feony, dia hitsangana ho amin'ny fahamarinana, ho amin'ny Voninahitra, ho any An-danitra.

¹¹⁰ Koa handre an'ilay Feon'Andriamanitra ianareo indray andro any. Angamba malemilemy no hitenenan'Izany ao amponareo izao maraina izao, fa tokony hiala amin'ny lâlana izay andehananareo ianareo, miverena amin'Andriamanitra. Ankehitriny, tsarovy, handray feo an'izao Feo izay miresaka amin'ny fonareo izao izy ireo, any An-danitra. Ary indray andro any rehefa miantso Jesosy, dia izay rehetra ao am-pasana, ny rehetra, marina sy diso, dia hitsangana. Ary amin'izay fotoana izay dia tena izao Feo izao ihany no hiverina hibitsika aminareo indray hoe, "Tany Phoenix, Arizona, *indray* Alahady maraina, rehefa nitazona anareo ela ilay mpitoriteny, niresaka momba an'ilay Feo, dia Izaho no niresaka taminareo; niteny taminareo vehivavy mba hamela ny volonareo haniry, hampitsahatra ny fiakanjoana tsy maotina; niteny taminao lehilahy mba hampitsahatra an'ilay fandaingana, fifohana; niteny taminareo mpitory teny mba hiverina amin'ny Tenin'Andriamanitra." Hitanareo ve izay tiako ho lazaina? Marina izany.

Izany Feo tony izany dia manao hoe, "Mety ho marina izany."

¹¹¹ Raha tahaka an'i Nikodemosy no tsy maintsy hahatongavako, dia hiezaka foana aho ny ho tonga eo. Ho tonga eo Aminy aho, ary hivoaka eto ho any an-efitra any ho any, ka hanao hoe, "Tompo Andriamanitra, inty aho, ovay aho ankehitriny. Amboary aho amin'ny Fombanao." Miverena amin'ny Teny. Any ho any raha hitanareo fa niala tamin'ny Teny ianareo, dia miverena amin'izany avy hatrany, satria ny tanjaky ny rojo anankiray dia ao amin'ny fitohizany malemy indrindra. Ary na aiza na aiza eo amin'ny fiainanareo no hialanareo amin'ny didin'Andriamanitra, mba hanompo fombafomba, dia eo no ho tapaka ilay rojonareo tsy mampaninona na mafy toy ny inona aza ianareo eo amin'ny zavatra hafa. Mihazona eo amin'ny tânán'Andriamanitra tsy miov'a.

¹¹² Ndao isika hivavaka. Androany, taorian'izay ela be izay, Tompo, dia Ianao no nilaza fa hiteny Ianao, hanoratra ny Lalànao eo amin'ny latabatry ny fo Ianao. Tsy fantattro izay miandry eo anoloako. Ny zavatra tokana fantattro hatao dia ny mandray ny Teninao ary mamafy an'Izany, azo antoka fa hitoetra ao ambanin'ny vatolampy anankiray any ho any Izany. Mivavaka aho, Andriamanitra, mba Ianao no hiresaka amin'ny olona tanora rehetra, amin'ny zokinjokiny rehetra, ny olona antitra, na inona izany na inona. Miresaha amin'ny foko, Tompo. Miresaha amin'ny fon'ireto mpitoriteny ireto. Miresaha amin'ny fon'ny fikambanana.

¹¹³ Mivavaka izahay, Ray, mba anio no handrenesanay ny Feonao. Ary fantatray, tahaka ny tamin'ny andron'i Samoela, fa nahalana ny fahitana niseho, ary izany no nahataitra ny olona. Toy izany koa amin'izao andro izao. Manana nofy sy mpanonofy izahay, manana mpiteny sy mpandika teny izahay, fa ny fahitana miseho kosa dia tonga miaraka amin'ny Tenin'ny Tompo, ary nanitsy... Mivavaka izahay, Ray An-danitra, fa izany ilay Feo izay niantso tany an-efitra hoe, "amboary ny lâlan'ny Tompo," mba hinoanay fa ny Fanahy Masina no manome indray an'izany Feo izany androany hoe, "Miomàna amin'ny Fihavian'ny Tompo!" Ary hafahafa toy ny inona Izany, satria maro loatra ny feo hafa manangoly an'Izany ka manala an'Izany, saingy mahafinaritra Izany eo amin'ny sofin'ireo izay mandre Azy. Mivavaka aho mba ny Fanahy Masina no hanao ny asa ankehitriny ao am-ponay rehetra.

¹¹⁴ Ary raha mbola manondrika ny lohantsika isika, ary matoky aho fa ny fontsika dia miondrika: Raha fantatrareo fa nisy fotoana tsy nankatoavanareo teo amin'ny fiainanareo, mahafantatra Soratra sasantsasany, ka fantatrareo fa izany no fampianaran'ny Baiboly izay tsy niarananareo niasa, satria zavatra anankiray, ny feon'i Hollywood no nanao anareo ho zavatra hafa. Andalana sasantsany izay hitanareo mpitoriteny ny toerany ao amin'ny Baiboly, izay ny Fahamarinana tokoa, saingy fantatrareo fa ny rafi-pandaminanareo dia handroaka anareo raha nampianatra an'Izany ianareo, nefä fantatrareo fa izany no Fahamarinana tanteraka. Ho anareo olona izay mandray ny zavatra diso, miaina amin'ny fiainan-dratsy. Ianareo ray sy reny izay tsy niezaka nanitsy ny zanakareo, tsy niezaka nitaiza azy ireo. Mety nanao izay tsara indrindra tao aminareo ianareo, nefä dia nandeha foana arak'izao tontolo izao izy ireo na izany aza, nefä ianareo dia nametraka ohatra teo anoloan'izy ireo. Ary raha tsy ataonareo izany, dia ilay Feon'Andriamanitra no miteny aminareo hoe, "Aza manao an'izany."

¹¹⁵ Ary ankehitriny miaraka amin'ny loha rehetra miondrika sy ny maso rehetra mikimpy, ary enga anie ilay Andriamaniry ny Lanitra hijery ao amin'ny fon'ny olona izay noana ka mahita ny toerana izay naha-diso azy ireo. Ary miaraka amin'ny tânana mitsangana ho amin'Andriamanitra, manao hoe, "Tompo, tena maniry marina tokoa ny Feonao aho mba hanala ny tsy finoana rehetra, sy ny zavatra rehetra tsy tahaka Anao, ary ataovy amin'izay Hanaovanao ahy aho," hanangana ny tânanareo ve ianareo. Raha ianareo mbola... Ny Tompo hitahy. Andriamanitra hitahy anareo.

¹¹⁶ Koa ny Baiboly dia nilaza, Jesosy dia nilaza, ary na eo aza ireo feo hafa rehetra ireo, "Kanefa raha misy olona handre ny Feoko." Araho Izy, ho azonareo izay irianareo.

¹¹⁷ Tompo, mihazakazaka ny fotoana. Fa ny Baiboly no nilaza fa, “Izay rehetra nino, dia natao batisa.” Mivavaka aho, Ray An-danitra, ho an’ny tsirairay amin’ireo izay nanangana ny tānany tao amin’ny fifonana marina, fa ny Tenin’Andriamanitra no novakian’izy ireo, ary hitany fa diso izy ireo. Tsy njery ny antsasak’izy ireo mihitsy aho. Tsy ahy ny mijery, fa Anao ny mijery, Tompo. Fantatralo ny antony sy ny tanjona ao ambadiky ny tānana izay nitsangana. Avelao izy ireo, manomboka amin’izao ora izao mihitsy, hikasa ao am-pony hoe, “Manomboka amin’ity andro ity, manomboka izao, dia handray ny Tenin’Andriamanitra sy ny Feon’Andriamanitra aho, ka hanaraka an’Izany tsy mampaninona izay vidiny.” Ary ataovy ao an-tsain’izy ireo, raha handeha izy ireo, ilay hiran’ilay poetry hoe, “Tsy maintsy Jesosy irery ve no mitondra ny hazo fijaliana, ka izao tontolo izao dia handeha malalaka? Tsia, misy hazo fijaliana ho an’ny tsirairay; misy hazo fijaliana iray ho ahy. Ary io hazo fijaliana masina io no ho entiko, mandrapahatongan’ny fahafatesana hamela ahy ho afaka.” Koa rehefa miteny ilay Feon’Andriamanitra, dia “Hivoaka avy ao amin’ny Fahamarinany aho, satria nanaraka ny Feony aho, ilay Feon’ny Teniny.” Atolotro Anao izy ireo ankehitriny, Tompo, amin’ny Anaran’i Jesosy Kristy.

¹¹⁸ Ankehitriny raha mbola manondrika ny lohantsika isika, ataovy ny fifonanareo sy ny fanomezan-tokinareo. Nahagaga ahy io tovolahy kely mipetraka eto io, nanodinkodina ny lohany. Fa misy Feo anankiray ho an’ny fiangonana hoe, “Izaho no Tompo izay manasitrana ny aretinao rehetra.” Izany no Feo anankiray ao amin’ny fiangonana. Ary ianareo rehetra izay mila fansitranana, ka miaina ao amin’ny fiainana masina ianareo amin’ny Tenin’Andriamanitra rehetra izay fantatrareo fa marina, ka mila fansitranana ianareo, manontany tena aho raha mba hanangana ny tānanareo fotsiny ianareo. Atsangano ny tānanareo, “Tompo, mila fansitranana aho.” Eny àry.

¹¹⁹ Ankehitriny, tehirizo ao am-ponareo izany Feo izany, “Izaho no Tompo izay manasitrana ny aretinao rehetra.” Tsarovy, rehefa voambara ny Teny, dia tsy maintsy ho tanteraka Izany. Hoy Jesosy, Marka 11:22, “Raha miteny amin’itsy tendrombohitra itsy ianareo hoe, ‘Mifindrà,’ ka tsy miahahanahana ao am-ponareo, fa mino fa izay nolazainareo dia ho tanteraka, dia ho azonareo izay nolazainareo.”

¹²⁰ Ankehitriny, ny tsirairay avy amin’ny fombantsika manokana ankehitriny, ahondreo ny lohanareo, ataovy ny fifonanareo, “Tompo, mino ny Teninao aho. Reko ny Feonao miteny amiko fa Ianao no tsy miova omaly, anio, ary mandrakizay.” Hidina aho ary hametra-tānana eo amin’ity zaza ity, satria mbola kely loatra izy ka tsy mahafantatra ny mikasika an’izany rehetra izany, tovolahy kely sarobidy, saiky ny halehibe

sy taonan'i Joseph keliko. Ary tiako ianareo rehetra hivavaka, hivavaka, "Tompo, reko ny Feonao. Mino aho."

¹²¹ Ray An-danitra, entinay eo Aminao ity mpanatrika ity ho an'ny fanasitranana ny vatan'izy ireo. Ary, Tompo, indro mipetraka eto ny zaza kely mahantara anankiray, nahasarika ny saiko izy nandritry ny Hafatra rehetra, nahita raiamandreny iray mipetraka eo nihazona an'ilay namana kely. Amin'ny alàlan'ny siansa ara-pitsaboana, dia tsy misy fanantenana ho an'ilay zalahy kely. Misy Feon'Andriamanitra anankiray izay mihoatra ny zavatra rehetra. Ary raha miray miaraka ity fiangonana ity mba hanao ny fandidiana rehetra izay mba haiko hatao, ny sisa rehetra dia Anao, Ray. Midina aho ary mametra-tànana eo amin'ity zaza ity.

¹²² Andriamanitra Ray, amin'ny Anaran'i Jesosy Kristy, no anamelohako an'izao. Aoka ny herin'Andriamanitra, ny fanasitranan'Andriamanitra... Enga anie hisy fahasamihafana ao aminy ao anatin'ny dimy miniträ ho avy. Enga anie izy rehetra ho tonga eo amin'Andriamanitra, ho an'ny Voininahitram.

¹²³ Ray An-danitra, Ianao no nanome ny teny fikasana. Izay ihany no fantattro, Ianao no nanome ny teny fikasana. Tanteraka izany, tahaka ny nilazana azy hoe, "Raha *miteny* amin'ity ianareo," ary miteny amin'ny devolin'ny aretina rehetra aho na ny fahoriana izay mamatotra an'ity mpanatrika ity, izay mamatotra an'ireto olona ireto, ny fanahin'ny tsy finoana rehetra, hoy aho hoe, "Mialà amin'ny olona, amin'ny Anaran'i Jesosy Kristy!" Ankehitriny, fantatsika fa izany no voasoratra, ary ankehitriny dia voalaza izany, enga anie ho tanteraka izany, ho an'ny laza sy voninahitram'Andriamanitra. Ary amin'ny Anaran'i Jesosy Kristy no nangatahana an'izany.

¹²⁴ Ankehitriny, ianareo izay afaka mino, dia aoka hino, tsy mampaninona izay miseho, izay tsy hiseho, efa nilatsaka eo ilay voa. Ilay zavatra kely ao anatinareo, ilay Feo. Ry raiamandrenin'ity zaza ity, tsy mampaninona izay toerana misy an'ity zaza ity, mino ve ianareo fa ilay voan'Andriamanitra dia nilatsaka tao am-ponareo, ka dia ho tsara ity tovolahy ity? Ny sisa aminareo izay nivavaka, ny iray ho an'ny hafa, mino ve ianareo fa ilay voan'Andriamanitra dia nilatsaka tao am-ponareo, "nifarana ny aretiko"? Koa ny fivavaky ny finoana no nivavahana ho anareo, alenteho izany andry izany. Ary raha vao manandrana i Satana, miverena avy hatrany ianareo, "Nitsangana tao amin'ity fiangonana Espaniola ity aho, tamin'ilay Alahady maraina, ny fivavaky ny finoana no nivavahana ho ahy. Ary Andriamanitra no nampanantena!" Ny fivavaky ny finoana no hamonyjy an'ilay marary ary Andriamanitra hanangana azy ireo. Tsy maintsy tanteraka izany. Mino an'izany ve ianareo, manao hoe, "Amena."

Andriamanitra hitahy anareo. Ankehitriny haveriko ny fotoana amin'ny Rahalahy Rose, heveriko eto, Rahalahy Jewel Rose. 

NY FEON'ANDRIAMANITRA AMIN'IZAO ANDRO FARANY IZAO MAG63-0120M
(The Voice Of God In This Last Days)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Alahady maraina, 20 Janoary, 1963, tao amin'ny Apostolic Church ao Phoenix, Arizona, U.S.A., dia nalaина avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2013 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org